

(12)

BENEDICTIO AQUAE
IN VIGILIA VEL FESTO
EPIPHANIAE DOMINI
PRO ALIQUIBUS DIOECESIBUS
DALMATIAE

ADPROBATA
PER RESCRIPTUM S. RITUUM CONGREGATIONIS
DE DIE VI DECEMBRIS MDCCCXC

ET
PER RESCRIPTUM EIUDEM S. RITUUM CONGREGATIONIS
DE DIE XXIX NOVEMBRIS MDCCCXCI

AD ARCHIDIOECESIM UTINENSEM
EXTENSA



BIBLIOTECA
SEMINARIO V.
PORDENONE

s.l.

080.

MIS

45/12

UTINI
EX OFFICINA TIPOGRAPHICA PATRONATUS
1892

BIBLIOTECA
SEMINARIO V.
PORDENONE

s.l.

080.

MIS

45/12

BENEDICTIO AQUAE

IN VIGILIA VEL FESTO

EPIPHANIAE DOMINI

PRO ALIQUIBUS DIOECESIBUS

DALMATIAE

ADPROBATA

PER RESCRIPTUM S. RITUUM CONGREGATIONIS

DE DIE VI DECEMBRIS MDCCCXC

ET

PER RESCRIPTUM, EIUDEM S. RITUUM CONGREGATIONIS

DE DIE XXIX NOVEMBRIS MDCCCXII

AD ARCHIDIOECESIM UTINENSEM

EXTENSA



UTINI

EX OFFICINA TIPOGRAPHICA PATRONATUS

1892

Parrocchia
S. GIUSEPPE E S. LUCIA
di BUDOIA
Parrocchia - tel. (2434) 654063

Portusgruarii, die 3 Augusti 1893.

*Per Rescriptum diei 17 Julii curr. an. Sacro-
rum Rituum Congregationis, haec formula benedi-
cendi aquam in Vigilia vel in Festo Epiphaniae
Domini, ad Dioecesim Concordiensem extensa fuit.*



✠ **Petrus** Archiep. Utinensis

ADMINIS. APOST. ECCLE. CONCORDIENSIS.

Riservato alla Tipografia editrice ogni diritto di ristampa,
giusta le leggi che sono in vigore.



RESCRIPTUM

S. RITUUM CONGREGATIONIS

Reverendissimo Domino Episcopo Sebenicensi.

R.me Domine uti Frater. — In supplici libello diei 27 Novembris nuper elapsi exposuit Amplitudo Tua huic Sanctae Apostolicae Sedi, iamdiu usum invaluisse in ista Sebenicensi Dioecesi solemniter peragendi Aquae benedictionem in Vigilia vel in Festo Epiphaniae Domini: qua die Fideles summo mane ad Ecclesiam accedunt eiusmodi ritui affuturi; aquam benedictam deinde in suas domos ferentes, eamque usque ad solemnitatem Epiphaniae anni sequentis religiosè domi asservantes. Ne vero abrogatio formulae huc usque in ea caeremonia adhibitae, breviorque tantum in Rituali Romano contenta nunc adhibenda, ex generali Decreto S. R. C. diei 17 Maj huiusce anni admirationem ac tumultum in plebibus contra parochos ipsamque Amplitudinem Tuam excitet, ab Apostolica Sede expetivit eadem Amplitudo Tua, ut ritui praescripto fieri queat additio, quam subiecit approbandam, ac vetitae caeremoniae substitui valeat. Sacra porro Rituum Congregatio, proposita formula maturo examine perpensa, eam approbari posse censuit iuxta exemplar a se revisum et emendatum, quod hisce litteris adiectum remittit ad Amplitudinem Tuam.

Attamen Sacra eadem Congregatio monet Amplitudinem Tuam per se nihil addere posse cuivis ritui ex iis qui habentur in Rituali Romano; hoc enim exclusive dependet ab Auctoritate Apostolicae Sedis.

Haec dum pro mei muneris ratione Amplitudini Tuae communico, ut Ipsa diu felix atque incolumis vivat ex animo adprecor.

Amplitudinis Tuae

Romae, die 6 Decembris 1890.

Uti Frater

† Caj. Card. ALOISI-MASELLA *S. R. C. Praef.*

VINCENTIUS NUSSI *Secretarius.*

UTINEN.

Ab immemorabili tempore in Ecclesiis parochialibus aliisque pluribus Archidioeceseos Utinen. viget consuetudo solemnem aquae benedictionem peculiari quodam ritu ac magno populi concursu peragendi in Vigilia Epiphaniae Domini. Quum vero invectus ejusmodi ritus ab Apostolica Sede reprobatus fuerit, et non sine moerore ac fidelium scandalo eadem consuetudo aboleri nequeat, R. mus D. nus Joannes Maria Berengo Archiepiscopus Utinen. Sanctissimum Dominum Nostrum Leonem Papam XIII, supplex rogavit, ut in enuntiatis Ecclesiis solemnis memorata benedictio in posterum peragi valeat adhibendo ritum ac formulam ab Apostolica Sede Dioecesi Sebenicensi concessam. Sacra porro Rituum Congregatio, utendo facultatibus sibi specialiter ab eodem Sanctissimo Domino Nostro tributis, R. mi Oratoris precibus benigne annuit. Contrariis non obstantibus quibuscumque.

Die 29 Novembris 1892.

(L. S.) † Caj. Card. ALOISI-MASELLA *Praef.*

VINC. NUSSI *Segret.*

FORMULA
AQUAE BENEDICTIONIS
IN VIGILIA VEL FESTO EPIPHANIAE DOMINI
PRO ALIQUIBUS DIOECESIBUS DALMATIAE

ADPROBATA CUM RESCRIPTO S. R. CONGREGATIONIS
DE DIE 6 DECEMBRIS 1890.

Sacerdos indutus stola et pluviali violaceis incipit absolute canendo Litanias Sanctorum vel duo cantores in Choro, sine xx et Orationibus, et omnes genuflectunt :

Kyrie eleison.

Christe eleison.

Kyrie eleison.

Christe audi nos.

Christe exaudi nos.

Pater de coelis Deus,

Fili Redemptor mundi Deus,

Spiritus sancte Deus,

Sancta Trinitas unus Deus,

Sancta Maria,

Sancta Dei Genitrix,

Sancta Virgo Virginum,

Sancte Michael,

Sancte Gabriel,

Sancte Raphael,

Omnes sancti Angeli et Archangeli, orate pro nobis.

Omnes sancti beatorum Spirituum ordines, orate.

Sancte Joannes Baptista, ora.

Sancte Joseph, ora.

Omnes sancti Patriarchae et Prophetae, orate.

Sancte Petre, ora.

Sancte Paule, ora.

Sancte Andrea, ora.

Sancte Jacobe, ora.

Sancte Joannes, ora.

Sancte Thoma, ora.



Sancte Jacobe,	ora.
Sancte Philippe,	ora.
Sancte Bartholomaeae,	ora.
Sancte Matthaeae,	ora.
Sancte Simon,	ora.
Sancte Thaddaeae,	ora.
Sancte Mathia,	ora.
Sancte Barnaba,	ora.
Sancte Luca,	ora.
Sancte Marce,	ora.
Omnes sancti Apostoli et Evangelistae,	orate.
Omnes sancti Discipuli Domini,	orate.
Omnes sancti Innocentes,	orate.
Sancte Stephana,	ora.
Sancte Laurenti,	ora.
Sancte Vincenti,	ora.
Sancti Fabiane et Sebastiane,	orate.
Sancti Joannes et Paule,	orate.
Sancti Cosma et Damiane,	orate.
Sancti Gervasi et Protasi,	orate.
Omnes sancti Martyres,	orate.
Sancte Silvester,	ora.
Sancte Gregori,	ora.
Sancte Ambrosi,	ora.
Sancte Augustine,	ora.
Sancte Hieronymi,	ora.
Sancte Martine,	ora.
Sancte Nicolae,	ora.
Omnes sancti Pontifices et Confessores,	orate.
Omnes sancti Doctores,	orate.
Sancte Antoni,	ora.
Sancte Benedicte,	ora.
Sancte Bernarde,	ora.
Sancte Dominice,	ora.
Sancte Francisce,	ora.
Omnes sancti Sacerdotes et Levitae,	orate.
Omnes sancti Monachi et Eremitae,	orate.
Sancta Maria Magdalena,	ora.
Sancta Agatha,	ora.

Sancta Lucia,	ora.
Sancta Agnes,	ora.
Sancta Caeccilia,	ora.
Sancta Catharina,	ora.
Sancta Anastasia,	ora.
Omnes Sanctae Virgines et Viduae,	orate.
Omnes Sancti et Sanctae Dei,	Intercedite pro nobis.
Propitius esto,	Parce nobis, Domine.
Propitius esto,	Exaudi nos, Domine.
Ab omni malo,	Libera nos, Domine.
Ab omni peccato,	libera.
Ab ira tua,	libera.
A subitanea et improvisa morte,	libera.
Ab insidiis diaboli,	libera.
Ab ira et odio et omni mala voluntate,	libera.
A spiritu fornicationis,	libera.
A fulgure et tempestate,	libera.
A flagello terraemotus,	libera.
A peste, fame et bello,	libera.
A morte perpetua,	libera.
Per mysterium sanctae Incarnationis tuae,	libera.
Per adventum tuum,	libera.
Per nativitatem tuam,	libera.
Per baptismum et sanctum jejunium tuum,	libera.
Per crucem et passionem tuam,	libera.
Per mortem et sepulturam tuam,	libera.
Per sanctam resurrectionem tuam,	libera.
Per admirabilem ascensionem tuam,	libera.
Per adventum Spiritus sancti Paracliti,	libera.
In die iudicii,	libera.
Peccatores,	Te rogamus audi nos.
Ut nobis parcas,	te rogamus.
Ut nobis indulgeas.	te rogamus.
Ut ad veram poenitentiam nos perducere digneris,	te rogamus.
Ut Ecclesiam tuam sanctam regere et conservare digneris,	te rogamus.
Ut dominum Apostolicum et omnes Ecclesiasticos ordines	
in sancta religione conservare digneris,	te rogamus.
Ut inimicos Sanctae Ecclesiae humiliare digneris,	te rogamus.

Ut regibus et principibus christianis pacem et veram concordiam donare digneris, te rogamus.
 Ut cuncto populo christiano pacem et unitatem largiri digneris, te rogamus.
 Ut nosmetipsos in tuo sancto servitio confortare et conservare digneris, te rogamus.
 Ut mentes nostras ad coelestia desideria erigas, te rogamus.
 Ut omnibus benefactoribus nostris sempiterna bona retribuas, te rogamus.
 Ut animas nostras, fratrum, propinquorum et benefactorum nostrorum ab aeterna damnatione eripias, te rogamus.
 Ut fructus terrae dare et conservare digneris, te rogamus.
 Ut omnibus fidelibus defunctis requiem aeternam donare digneris, te rogamus.
 Ut hanc aquam beneddicere digneris, te rogamus.
 Ut hanc aquam beneddicere et sancti- ficare digneris, te rogamus.
 Ut nos exaudire digneris, te rogamus.
 Fili Dei, te rogamus.
 Agnus Dei, qui tollis peccata mundi, Parce nobis, Domine.
 Agnus Dei, qui tollis peccata mundi, Exaudi nos, Domine.
 Agnus Dei, qui tollis peccata mundi, Miserere nobis.
 Christe audi nos.
 Christe exaudi nos.
 Kyrie eleison.
 Christe eleison.
 Kyrie eleison.

Pater noster etc.

Dicto Pater noster cantantur Psalmi.

Ps. 28.

Qui. Afferte Domino filii Dei; afferte Domino filios arietum.
Solus. Afferte Domino gloriam et honorem, afferte Domino gloriam nomini ejus; adorate Dominum in atrio sancto ejus.

Vox Domini super aquas, Deus majestatis intonuit; Dominus super aquas multas.

Vox Domini in virtute; vox Domini in magnificentia.

Vox Domini confringentis cedros; et confringet Dominus cedros Libani.

Et comminuet eas tamquam vitulum Libani; et dilectus quemadmodum filius unicornium.

Vox Domini intercidentis flammam ignis; vox Domini concutientis desertum; et commovebit Dominus desertum Cades.

Vox Domini praeparantis cervos, et revelabit condensa; et in templo ejus omnes dicent gloriam.

Dominus diluvium inhabitare facit; et sedebit Dominus rex in aeternum.

Dominus virtutem populo suo dabit; Dominus benedicet populo suo in pace.

Gloria Patri etc.

Ps. 45.

Deus noster refugium, et virtus: adjutor in tribulationibus, quae invenerunt nos nimis.

Propterea non timebimus dum turbabitur terra: et transferentur montes in cor maris.

Sonuerunt, et turbatae sunt aquae eorum: conturbati sunt montes in fortitudine ejus.

Fluminis impetus lactificat civitatem Dei: sanctificavit tabernaculum suum Altissimus.

Deus in medio ejus, non commovebitur: adjuvabit eam Deus mane diluculo.

Conturbatae sunt gentes, et inclinata sunt regna: dedit vocem suam, mota est terra.

Dominus virtutum nobiscum: susceptor noster Deus Jacob.

Venite, et videte opera Domini, quae posuit prodigia super terram: auferens bella usque ad finem terrae.

Arcum conteret, et confringet arma: et scuta comburet igni.

Vacate, et videte, quoniam ego sum Deus: exaltabor in gentibus, et exaltabor in terra.

Dominus virtutum nobiscum: susceptor noster Deus Jacob.

Gloria Patri etc.

Ps. 146.

Laudate Dominum quoniam bonus est psalmus: Deo nostro sit jucunda, decoraque laudatio.

Ædificans Jerusalem Dominus : dispersiones Israelis congregabit.

Qui sanat contritos corde: et alligat contritiones eorum.

Qui numerat multitudinem stellarum : et omnibus eis nomina vocat.

Magnus Dominus noster, et magna virtus ejus : et sapientiae ejus non est numerus.

Suscipiens mansuetos Dominus : humilians autem peccatores usque ad terram.

Praecinite Domino in confessione: psallite Deo nostro in cithara.

Qui operit coelum nubibus: et parat terrae pluviam.

Qui producit in montibus foenum: et herbam servituti hominum.

Qui dat jumentis escam ipsorum: et pullis corvorum invocantibus eum.

Non in fortitudine equi voluntatem habebit: nec in tibiis viri beneplacitum erit ei.

Beneplacitum est Domino super timentes eum: et in eis, qui sperant super misericordia ejus.

Gloria Patri etc.

EXORCISMUS

contra Satanam et Angelos Apostaticos, adprobatus a SS. D. Leone XIII die 18 Maji 1890.

Exorcizamus te, omnis immunde spiritus, omnis sathanica potestas, omnis incursio infernalis adversarii, omnis legio, omnis congregatio et secta diabolica, in nomine et virtute Domini Nostri Jesu ✠ Christi, eradicare et effugare a Dei Ecclesia, ab animabus ad imaginem Dei conditis ac pretioso divini Agni sanguine redemptis ✠. Non ultra audeas, serpens callidissime, decipere humanum genus, Dei Ecclesiam persequi, ac Dei electos excutere et cribrare sicut triticum ✠. Imperat tibi Deus altissimus ✠, cui in magna tua superbia te similem haberi adhuc praesumis: *qui omnes homines vult salvos fieri, et ad agnitionem veritatis venire* (I. Tim. II.). Imperat tibi Deus Pater ✠; imperat tibi Deus Filius ✠; imperat tibi Deus

Spiritus Sanctus †. Imperat tibi maiestas Christi, aeternum Dei Verbum caro factum †, qui pro salute generis nostri tua invidia perdit, *humiliavit semetipsum factus obediens usque ad mortem* (Phil. II.); qui Ecclesiam suam aedificavit supra firmam petram, et portas inferi adversus eam nunquam esse praevalituras edixit, cum ea ipse permansurus *omnibus diebus usque ad consumationem saeculi* (Matth. XXVIII. 20). Imperat tibi sacramentum Crucis †, omniumque christianae fidei Mysteriorum virtus †. Imperat tibi excelsa Dei Genitrix Virgo Maria †, quae superbissimum caput tuum a primo instanti immaculatae suae conceptionis in sua humilitate contrivit. Imperat tibi fides sanctorum Apostolorum Petri et Pauli, et ceterorum Apostolorum †. Imperat tibi Martyrum sanguis, ac pia Sanctorum et Sanctarum omnium intercessio †.

Ergo, draco maledicte et omnis legio diabolica, adiu-ramus te per Deum † vivum, per Deum † verum, per Deum † sanctum, per Deum qui sic . . . *dilexit mundum, ut Filium suum unigenitum daret, ut omnis qui credit in eum non pereat, sed habeat vitam aeternam* (Io. III): cessa decipere humanas creaturas, eisque aeternae perditionis venenum propinare: desine Ecclesiae nocere, et eius libertati laqueos iniicere. Vade, satana, inventor et magister omnis fallaciae, hostis humanae salutis. Da locum Christo, in quo nihil invenisti de operibus tuis: da locum Ecclesiae uni, sanctae, catholicae et Apostolicae, quam Christus ipse acquisivit sanguine suo. Humiliare sub potenti manu Dei; contremisce et effuge, invocato a nobis sancto et terribili nomine JESU, quem inferi tremunt, cui Virtutes caelorum et Potestates et Dominationes subiectae sunt; quem Cherubim et Seraphim indefessis vocibus laudant, dicentes: Sanctus, Sanctus, Sanctus Dominus Deus Sabaoth.

Antiphona. Hodie caelesti Sponso juncta est Ecclesia, quoniam in Jordane lavit Christus ejus crimina; currunt cum muneribus Magi ad regales nuptias, et ex aqua facto vino laetantur convivae. Alleluja.

Canticum Benedictus :

Benedictus Dominus Deus Israel : * quia visitavit, et fecit redemptionem plebis suae :

Et erexit cornu salutis nobis : * in domo David, pueri sui.

Sicut locutus est per os Sanctorum, * qui a saeculo sunt, Prophetarum ejus :

Salutem ex inimicis nostris, * et de manu omnium, qui oderunt nos :

Ad faciendam misericordiam cum patribus nostris : * et memorari testamenti sui sancti.

Jusjurandum, quod juravit ad Abraham patrem nostrum, * daturum se nobis :

Ut sine timore, de manu inimicorum nostrum liberati, * serviamus illi.

In sanctitate, et justitia coram ipso, * omnibus diebus nostris.

Et tu, puer, Propheta Altissimi vocaberis : * praeibis enim ante faciem Domini parare vias ejus :

Ad dandam scientiam salutis plebi ejus : * in remissionem peccatorum eorum :

Per viscera misericordiae Dei nostri : * in quibus visitavit nos, oriens ex alto :

Illuminare his, qui in tenebris, et in umbra mortis sedent : * ad dirigendos pedes nostros in viam pacis. Gloria Patri etc.

vel Magnificat.

Magnificat * anima mea Dominum :

Et exsultavit spiritus meus * in Deo salutari meo.

Quia respexit humilitatem ancillae suae : * ecce enim ex hoc beatam me dicent omnes generationes.

Quia fecit mihi magna qui potens est : * et sanctum nomen ejus.

Et misericordia ejus a progenie in progenies, * timentibus eum.

Fecit potentiam in brachio suo : * dispersit superbos mente cordis sui.

Deposuit potentes de sede, * et exaltavit humiles.

Esurientes implevit bonis : * et divites dimisit inanes.

Suscepit Israel puerum suum, * recordatus misericordiae suae.

Sicut locutus est ad patres nostros, * Abraham, et semini ejus in saecula. Gloria Patri etc.

Repetitur Antiphona : Hodie.

℣. Dominus vobiscum.

℣. Et cum spiritu tuo.

OREMUS.

Deus, qui hodierna die Unigenitum tuum gentibus stella duce revelasti, concede propitius, ut qui jam te ex fide cognovimus, usque ad contemplandam speciem tuae celsitudinis perducamur. Per eundem Dominum nostrum Jesum Christum Filium tuum, qui tecum vivit et regnat in unitate Spiritus Sancti Deus, per omnia saecula saeculorum.

℣. Amen.

BENEDICTIO

(ex Rituali Romano desumpta)

℣. Adjutorium nostrum in nomine Domini.

℣. Qui fecit coelum et terram.

Exorcismus salis.

Exorcizo te, creatura salis, per Deum ✠ vivum, per Deum ✠ verum, per Deum ✠ sanctum, per Deum, qui te per Eliseum Prophetam in aquam mitti jussit, ut sanaretur sterilitas aquae: ut efficiaris sal exorcizatum in salutem credentium, et sis omnibus summentibus te sanitas animae et corporis; et effugiat, atque discedat a loco, in quo aspersum fueris, omnis phantasia et nequitia, vel versutia diabolicae fraudis, omnisque spiritus immundus adjuratus per eum, qui venturus est judicare vivos et mortuos, et saeculum per ignem.

℣. Amen.

OREMUS.

Immensam clementiam tuam, omnipotens aeternae Deus, humiliter imploramus, ut hanc creaturam salis, quam in

usum generis humani tribuisti, bene ✠ dicere, et sancti ✠
ficare tua pietate digneris, ut sit omnibus sumentibus salus
mentis et corporis; et quidquid ex eo tactum, vel resper-
sum fuerit, careat omni immunditia, omnique impugnatione
spiritualis nequitiae. Per Dominum.

Exorcismus aquae.

Exorcizo te creatura aquae, in nomine Dei ✠ Patris
omnipotentis, in nomine Jesu ✠ Christi Filii ejus Domini
nostri, et in virtute Spiritus ✠ Sancti: ut fias aqua exor-
cizata ad effugandam omnem potestatem inimici, et ipsum
inimicum eradicare, et explantare valeas cum angelis suis
apostaticis; per virtutem ejusdem Domini nostri Jesu Chri-
sti, qui venturus est judicare vivos et mortuos, et saeculum
per ignem. R). Amen.

OREMUS.

Deus, qui ad salutem humani generis maxima quaeque
sacramenta in aquarum substantia condidisti: adesto propi-
tius invocationibus nostris et elemento huic, multimodis
purificationibus praeparato, virtutem tuae bene ✠ dictionis
infunde: ut creatura tua, mysteriis tuis serviens, ad abigendos
daemones, morbosque pellendos divinae gratiae sumat effec-
tum: ut quidquid in domibus, vel in locis Fidelium haec
unda resperserit, careat omni immunditia, liberetur a noxa:
non illic resideat spiritus pestilens, non aura corrumpens:
discedant omnes insidiae latentis inimici; et si quid est,
quod aut incolumitati habitantium invidet, aut quieti, asper-
sione hujus aquae effugiat, atque discedat: ut salubritas
per invocationem sancti tui Nominis expetita, ab omnibus
sit impugnationibus defensa. Per Dominum.

*Hic ter mittit sal in aquam in modum Crucis, dicendo
semel:* Commixtio salis et aquae pariter fiat in nomine
Pa ✠ tris, et Fi ✠ lii, et Spiritus ✠ Sancti. Amen.

Ÿ. Dominus vobiscum.

R). Et cum spiritu tuo.

OREMUS.

Deus, invictae virtutis auctor et insuperabilis imperii Rex, ac semper magnificus triumphator; qui adversae dominationis vires reprimis; qui inimici rugientis saevitiam superas; qui hostiles nequitias potenter expugnas; te, Domine, tremantes et supplices deprecamur, ac petimus, ut hanc creaturam salis et aquae dignanter aspicias, benignus illustres, pietatis tuae rore sanctifices; ut ubicumque fuerit aspersa, per invocationem sancti Nominis tui omnis infectio immundi spiritus abigatur, terrorque venenosi serpentis procul pellatur, et praesentia Sancti Spiritus nobis misericordiam tuam poscentibus, ubique adesse dignetur. Per Dominum, in unitate ejusdem Spiritus, etc.

Expleta benedictione, per Celebrantem aspergatur populus aqua benedicta.

Tandem solemniter canitur:

Te Deum laudamus: te Dominum confitemur.

Te aeternum Patrem omnis terra veneratur.

Tibi omnes Angeli, tibi coeli, et universae potestates:

Tibi Cherubim et Seraphim, incessabili voce proclamant:

Sanctus, Sanctus, Sanctus Dominus Deus Sabaoth.

Pleni sunt coeli et terra majestatis gloriae tuae.

Te gloriosus Apostolorum chorus.

Te Prophetarum laudabilis numerus.

Te Martyrum candidatus laudat exercitus.

Te per orbem terrarum sancta constitetur Ecclesia.

Patrem immensae majestatis,

Venerandum tuum verum, et unicum Filium,

Sanctum quoque Paraclitum Spiritum.

Tu Rex gloriae, Christe,

Tu Patris sempiternus es Filius.

Tu ad liberandum suscepturus hominem, non horruisti Virginis uterum.

Tu, devicto mortis aculeo, aperuisti credentibus regna coelorum.

Tu ad dexteram Dei sedes, in gloria Patris.
Judex crederis esse venturus.

Tu ergo quaesumus, tuis famulis subveni, quos pretioso Sanguine redemisti.

Æterna fac cum Sanctis tuis in gloria numerari.

Salvum fac populum tuum, Domine, et benedic haereditati tuae.

Et rege eos, et extolle illos usque in aeternum.

Per singulos dies benedicimus te.

Et laudamus nomen tuum in saeculum, et in saeculum saeculi.

Dignare Domine die isto sine peccato nos custodire.

Miserere nostri, Domine; miserere nostri.

Fiat misericordia tua, Domine, super nos, quemadmodum speravimus in te.

In te Domine speravi: non confundar in aeternum.

✠. Dominus vobiscum.

✠. Et cum spiritu tuo.

OREMUS

Deus, cujus misericordiae non est numerus, et bonitatis infinitus est thesaurus: piissime majestati tuae pro collatis donis gratias agimus, tuam semper clementiam exorantes; ut qui petentibus postulata concedis, eosdem non deserens, ad praemia futura disponas. Per Dominum nostrum Jesum Christum Filium tuum, qui tecum vivit et regnat in unitate Spiritus Sancti Deus, per omnia saecula saeculorum.
✠ Amen.

N. 1650.

Vidit

Ex Curia Archiepiscopali

Utini, die 13 Dec. 1892.

† JOH. MARIA ARCHIEPISCOPUS.

BIBLIOTECA DEL SANTISSIMO
VESCOVATO DI POMEZIA

N. ingr.

16645

